

*H. Sr. D. Andres Menendez Salda,*

*En apuro am.*

*El autor*

# LA IGUALDÀ.

## Diálogo entre un aldeano de antaño y otro de egaño.

XUAN. Buenes noches.  
 GASPAR. Ola Xuan.  
 XUAN. ¿Quiés cenar? llegues á tiempu.  
 ¿Pa qué? Pa boroña y fabes?  
 Si foren bonos torreznos!  
 GASPAR. Que nunca fabes nos falten  
 permita Dios de los Cielos!  
 Muy á lo grand' estás hoy.  
 XUAN. Ya cansé de ser pequenu.  
 ¿Acasu non ye de todos  
 isti mundu 'n que nacemos,  
 como diz isti papel  
 que me dionon en Uvieo?  
 GASPAR. Guapu papel será elli  
 cuando fales tan soberbiu!  
 XUAN. Tiu Gaspar, pocu á pocu,  
 que lo que diz est' impresu  
 son verdaes como puños.  
 GASPAR. De Dios nos venga 'l remedi!  
 XUAN. ¿Qué Dios nin qué calabaces!  
 Dios y los santos son cuentos  
 discurrios po los cures,  
 que medránnon bien con ellos.  
 Ya s' acabó pa los ricos  
 el fartase co lo nuestro.  
 Ya toos semos iguales,  
 y vendrá 'l repartimientu  
 qu' acabará d' una vez  
 con toos los fanegueros,  
 que fuelguen, mientras nosotros  
 curtimos bien el pelleyu.  
 Ya i os daremos de duro  
 antes de muy pocu tiempu,  
 y pa eso m' apunté  
 en el llibru Comuneru  
 que nos ensiñó un francés  
 á min y á Pachu Ferreros.

GASPAR. Novent' años voy facer  
 allá pa 'l mes de Xineru,  
 y anque fui soldau rasu  
 y recorri tou 'l reinu,  
 nunca blasfemies mayores  
 oí, sinon cuando neñu,  
 qu' á miós oidos llegó  
 el estampidu tremendu  
 qu' el Degorio pegó 'n Francia;  
 y bambolió 'l mundu 'nteru.  
 Yera 'l amu de les almes,  
 y traxo al mundu 'l Infernu.  
 Arremetió contra Dios,  
 contra los cures y templos:  
 saquió palacios y cases  
 barriéndoles po 'l cimientu:  
 esfarrapió cuanto quixo,  
 y cebóse 'n el degüellu,  
 fasta que fixo correr  
 rios de sangre po 'l suelu.  
 En ella se revolcaben  
 en sin cabeza, los mesmos  
 qu' habin dao mas berrides,  
 qu' allí, Xuan, n' hubo respetu  
 d' unos pa otros, allí  
 yera Satanás el dueñu:  
 y pa facer á los vicios  
 como á los santos, de güenos,  
 destierró á Dios una ley,  
 que pa 'l casu importa menos  
 qu' un barganazu 'n el aire:  
 pero bien conocin ellos  
 que ye Dios el grand' esterbu  
 pa los que viven sin freno.  
 Ves ahí por qué se diz  
 que Dios non ye mas que un  
 (cuentu.

A. 1881210194

¿Quién te dió la vida, Xuan?  
 ¿Isti mundu, quién lu fexo?  
 ¿Cómo nacen estes fabes?  
 ¿Cómo se cria por dentro  
 del oriciu la castaña?  
 Ven pa 'l corral... Mira 'l Cielo...  
 ¿Quién punxo 'n eses altures  
 eses estrelles sin cuenta?  
 ¿Ves aquella cómo cuerre?  
 ¿Quién i fai correr, magüetu?  
 ¿Dónde está 'l sol? ¿De qué ye?  
 ¿Por qué non muerre isi fuebu  
 como muerren los d' acá?  
 ¿Quién i fai estar ardiendo  
 desde qu' el mundu ye mundu?  
 ¿Por qué non cai en el suelu?  
 ¿Quién alborota la mar?  
 ¿Quién asujeta los vientos?  
 Y d' aquesta inmensidá,  
 ¿quién lleva, Xuan, el gobiernu?  
 Isi Dios tan ofendiu  
 del ome vanu y soberbiu,  
 que fai un cario ferril,  
 porque Dios i empriesta 'l fierru,  
 y aunque se güelva tarumba  
 y pasen siglos enteros,  
 non fai un granu de trigo,  
 ni una fueya de felechu.

XUAN. Pero entoncies, ¿cómo ye  
 qu' el mundu 'stá sin gobiernu,  
 que vivimos sofocaos  
 y trabajamos lo axeno  
 pa qu' engorden los señores  
 con el sudor de los pueblos?  
 Así lo diz el papel,  
 conque, ó lo de Dios ye cuentu,  
 ó usté tien que confesar  
 que Dios non se mete en eso.  
 Desnudu naz el Marqués,  
 y desnudu 'l zapateru:  
 pido la igualdá pa todos,  
 ya qu' iguales toos semos.

GASPAR. También desnudu nació  
 el Señor del Universu,  
 y por non tener pañal,  
 en cuatro payes fué 'nvuelto.  
 Desd' el pastor fasta 'l Rey  
 lu adoranon y la vieron:  
 llorando vino á istu mundu;  
 pelegrinando y sufriendo  
 trenta y tres años vivió  
 sanando muchos enfermos,  
 pedricando siempre 'l bien,  
 y á la postre, consintiendo  
 el maruriu de la Cruz  
 en pagu de tantu afentu;  
 qu' naidé tuvo otru igual,  
 porqu' el su postrer alientu  
 fué, Xuanon, pa perdonar

á los sos verdugos mesmos.  
 A toos quixo salvar;  
 á toos nos dió 'l ejemplu,  
 ensiñonos el camin,  
 y pa toos fixo 'l Cielu;  
 á toos y á cada unu  
 mide por igual raseru...

XUAN. Pos por eso digo yo  
 que toos iguales semos.

GASPAR. Iguales sí; pero 'seucha  
 lo qu' te diz istu vieyu,  
 qu' algo debí deprender  
 en los venti años y mediu  
 qu' estuve col Arcipreste,  
 (y Dios lu tendrá en su Reinu.)  
 porque fué un santu varon  
 de grand' obra y gran conseyu.

Semos iguales los omes,  
 porque llorando nacemos,  
 y nacemos pa llorar  
 fasta 'l puntu 'n que morremos.  
 Non hay dengunu, Xuanon,  
 que non tenga un sufrimientu.

XUAN. Y el qu' está ricu, ¿qué tien?

GASPAR. Cudiaos y desconsuelu.  
 Unes veces l' ambicion  
 quita á los ricos el sueñu:  
 otros, les enfermedaes  
 non dan al ome sosiegu:  
 otros, vien una disgracia,  
 ó lleguen catorce á un tiempu:  
 abondes veces los fíos  
 dan a los padres tormentu.  
 Les guerres, los alborotos,  
 la peste y el Pinton mesmu,  
 asuelen les heredaes,  
 y diezmen tamien los pueblos.  
 Solo 'l que fai buenas obres,  
 y tien el corazon puestu  
 en Dios, como Dios y manda,  
 ye 'l que vive sastifechu,  
 porque la virtú, Xuanon,  
 ye 'l tesoru de mas preciu,  
 con ella florez el alma,  
 y cobra fuerces el cuerpu.

Lo demás bien lo ves tú.  
 Unos omes son pequeños,  
 otros gordos, otros flacos,  
 otros roxos, otros prietos:  
 unu que puestu á segar  
 siega lode cuatro á un tiempu,  
 otros son unos borricos  
 sin dos adarmes de sesu,  
 y otros pa too paecen  
 listos com' un pensamientu.  
 Háilos tan caritativos  
 que de sí non tienen duela,  
 háilos lladrones, borrachos,  
 xugadores y moceros.

Agora Xuan, faite 'l amu  
del mundu; 'n esti momentu;  
reparte les tierras toes,  
y estando 'l repartu fechu,  
antes que puedas rézar  
tan siquiera un Padre nuestru,  
toparás tanta igualdá  
como de figos da un fresnu.  
Cada cual fai de lo suyo,  
como quien diz, un panderu,  
y el que gastó 'l su quiñon  
quier otru repartimientu,  
porque siendo iguales toos,  
toos tienen un derechu,  
y dempués de repartir  
tienes que empezar de nuevu.

Non mires solo parriba:  
mira pabaxo y pa 'l mediu.  
¡Cuántos quixeren tener  
les tos vaques y 'l to 'steblo!  
¡Cuántos probes impedios  
lleven en el brazu un cestu!  
¡Qué yera farà venti años  
D. Tcribu de Moredo?  
Yera un probe como tú,  
y respetando lo axeno,  
y sin facer mal á raide,  
trabayó con buen aciertu.  
Y ¿non te acuerdes de Blas  
el pastor del Navariegu?  
Por su saber y virtudes  
ya Obispo lu tienes fechu.  
Non ye solo la fesoria  
la que nos gana 'l sustentu:  
si non fora 'l ciruxano,  
¿dónd' estaria 'l to pelleyu?  
S' il abogau no 'studia,  
s' il Xuez non ye xusticieru,  
¿non te magüesta 'l to prau  
Manolon el Carraleru?  
¿Sabriís lleer y ecrebir  
si non t' ensiña 'l maestru?  
Pos el q' estudia trabaya,  
como trabaya 'l ferreru,  
como 'l que salla 'l maiz,  
como 'l xastre y el canteru.

XUAN. Que trabaye tou 'l mundu  
ye lo que diz el impresu;  
y s' acaben los señores,  
que se farten co lo nuestro.

GASPAR. Tienes ena Habana un fiu  
que quiciaes venga lluegu,  
y gaste coche y caballos,  
por que tien cuartos pa eso,  
ganaos col so sudor  
trabayando nel comerciu:  
qu' acasu faiga un palaciu  
en el to prau del Cuetu,  
y tantu dineru traiga

que mierque tou 'l conceyu.  
Pero 'n viéndolu tú 'n casa,  
si non te mueres primero,  
mandaraslu á sacar cucho  
y llimpiar bien el to 'steblo:  
llamarás á los vecinos  
d' isti llugar y del Reinu,  
y dirás: «llegó el mió fiu,  
que ye un señoron completa:  
vení á parti 'l caudal  
qu' en les Amériques fexo,  
*porque non ye de razon  
que se farte co lo vuestro.*»

Y si 'l to fiu se muerre,  
y non te dexa algun nietu,  
ya me doy por avisau  
tambien pal repartimientu,  
qu' aunque puedas gastar coche  
non lo permite esi impresu,  
nin á tí, si heredes tú,  
nin tampoco á los tos nietos  
si fíos tien el to fiu:  
conque, Xuan, aplica 'l cuentu,  
y verás que non ye xusto  
que vos farteis co lo nuestro.

XUAN.

Tien razon, tiu Gaspar,  
non habia dao yo 'n eso,  
y agora me fago cargu  
que nos traten como á neños.  
Isti papel...

GASPAR.

Sí, Xuanon,  
isi papel que te diendon,  
meyor y fora decir,  
que se acaben los perversos  
que quieren vivir sin ley,  
sin trabayu y sin gobiernu,  
y fartucase de vino  
a costa del taberneru,  
y tener en cada mes  
venti muyeres lo menos.  
Viven sin temor de Dios,  
facen burla del Infiernu,  
y falaguen á los probes  
pa eullenar ellos el cestu.  
Los probes non son d' agora  
habrálos en tou tiempu.  
Dixolo 'l qu' non s' ergaña;  
dixolo 'l qu' esparció 'l pueblu  
qu' está 'sperando el Mesies,  
dempues que non quixo vellu,  
y va facer venti siglos  
q' ente nosotros lu vemos:  
dixolo 'l que perdonó  
á los que i diendon tormentu;  
el que se vé 'scarnecidu  
porque pedrica 'l imperiu  
del amor y la xusticia,  
la llibertá y 'l derechu,  
condenando á los lladrones,

borrachos y muyeriegos,  
asesinos y perxuros,  
y mandando dar respetu  
á los padres y á les madres  
y á les canes de los vieyos:  
el que diz, «*non codicieis  
aquello que non ye vuestro;*»  
el que quier que nos queramos  
como cad' un á sí mesmu,  
que fagamos bien á toos,  
á los malos y á los buenos:  
el Dios de la Caridá,  
el que fai grand' al pequeñu.  
Pero 'l ome nació malu  
desqu' Adam faltó al precentu,  
y resistes' á poner  
á les pasiones un frenu.  
Ves ahí por qué te dicen

que Dios non ye mas qu' un  
(cuentu.

Al que te dió isi papel  
que trata á Dios con dispreciu,  
(y qu' así te quier sacar  
de ser Xuanon el baqueru),  
contéstai, que la igualdá  
la topa é nos mandamientos;  
que sin Dios, non se fai nada,  
porque Dios ye siempre 'l dueñu;  
qu' el repartu por que clamen,  
ye, Xuan, el robu perpétuu:  
que pa la Iglesia non basta  
tou 'l poder del Infiernu,  
y si son bonos cristianos  
serán dichosos los pueblos.

M. F. de P.